

USEN MBEÑE-IDEM ESIE

Zephaniah 1:14-18; 2:1-3; Malachi 4:1-6

QYQHỌ UKPEP-ÑKPỌ 457

Eke Mkparawa

IKỌ IBUOT: “Akwa usen Jehovah emekpere, emekpere, eyenyuñ ọsọp eti-eti”
(Zephaniah 1:14).

Ini Emi Ye Ini Iso

Ini emi, nte Jesus ebighide, edi eti ifet ọnọ owo ndibọ erinyaña. Ke ndusuk ini etiñ ebaña enye nte “Ini mfọn-ido’ ye “Usen erinyaña.” Edi utit eyo emi, ke Jesus edidide edimen Ñwan-ndọ Esie ọnyọñ, ndien eñwaña afanikọñ ye ndutuhọ, edori ererimbot ke idem, ediọñọ utọ ini oro nte “usen Jehovah,” ye “akwa usen Jehovah.” Ediọñọ utọ ini oro ñko nte “Usen ikpe,” “usen iyaresit Jehovah,” ye “usen uwa Jehovah.” Emi itiñke ibaña usen kiet emi edide ini-ñkanika 24, edi abaña anyan ini.

Ini Afanikọñ

Nnyin ima ikpep ke ọyọhọ ukpep-ñkpọ 413, ke ọyọhọ Ñwede 32 ibaña Asua-Christ, abak-ibak ada-ukara emi edikarade ke ini ema ekemen Ñwan-ndọ Christ edọk ke enyọñ. Zephaniah, anditiñ ntiñ-nnim ikọ, ke etiñde ke idak nda-usuñ Edisana Spirit ediwak isua mbemiso Jesus akamana, ama etiñ abaña “Usen ifuresit, ukut ye nnanenyin, usen ñwure ye nsobo, usen ekim ye okoneyo, usen obubit enyọñ ye ata ekim.” Enye etiñ ete ke mme owo “eyesaña nte nnan, koro mmọ eduede Jehovah.” Ukem-ukem nte mbon nnan efiọñode ubọk ke ekim, etuak ukot, eduọ, ikemeke ndifehe mbọhọ afanikọñ, me ukem nte owo ọduode oduk afia, ke editie ye mbon oro eduede Ọbọñ.

Mbon oro minyimeke ndibọ ikọ nduri-utọñ ke emi, mbon oro minyimeke ndikabare ke emi ñkpọñ idiọk-ñkpọ mmọ nnyuñ ñkot Abasi nyom mbọm, ke unana idorenyin eyesobo ye usen iyaresit Abasi, ini enyene ndik afanikọñ.

Mbọm Ye Ikpe

Ndusuk owo eyedọhọ ete, “O edi Abasi edi ima! Enye ọfọn ido onyuñ enyene mbọm ndien idisinke owo ekededi ke hell.” Edi ntre, Abasi edi Abasi ima mfin, edi mkpọñ Enye ekeme ndiñwaña ifuresit Esie nduok mbon emi ekesinde ndibọ ima Esie. Enye edi Abasi ubierikpe ukem nte Enye edide Abasi ima. Enye ọdọhọ ete, “Spirit mi idiñwanake ye owo ke nsinsi” (Genesis 6:3).

Nnyin inyene ndinyime nnyuñ nnam Ikọ Abasi nte ewetde; nnyin ikemeke ndida mme ekikere nnyin me se nnyin inimde ke akpanikọ okoñ akan eke Ata Edikoñ. Ikọ Abasi ọyọhọ ye mme ikọ emi ebañade ifuresit Abasi. Oro edi edisana ifiop-esit me iyaresit, oto ke ntak ndiọi edinam.

Ndusuk mme ete ye eka eyedọhọ nditọ mmọ ete, “Edieke munamke ñkpọ emi, nyenọ fi ufen.” Ekem mmọ efre ebaña ikọ oro inyuñ ikaha iso ndikut nte ke enam nte mmimọ ikoyomde enam. Edi Abasi akaka iso oyom ndikut nte ke enam mme item Esie. Ibọhọke mme owo ekabare esit enyuñ ewọñọre ekpọñ idiọk-ñkpọ mmọ, Enye iditreke ndidọñ ufen etiene mmọ.

Edi akpanikọ mme Jew ema ebọ ufen idiọk-ñkpọ ye nsọñ-ibuot mmọ, ema etuhọre enyuñ ewot ata ediwak mmọ. Ikebighike ke Christ ama akakpa, ema ewot mme Jew emi ekewakde ebe million kiet ke ini mme asua ekekande Jerusalem ekuk. Ke idak ukara Hitler, odu ndisọhi mme Jew mfep ama ọsuñọ ke mkpa ediwak ibat emi ekebede million itiokiet.

Tọsin Isua Emem

Ke ukpep-ñkpọ ini-iso nnyin iyekpep ibaña Tosin-isua –ukara Christ ye Ikọ Abasi ke isọñ. Ke ofuri tọsin isua oro, Satan edidu ke edituñọ ukpe ndien emem eyedu ke ererimbot. Ndisana ikọ Abasi eyeda ubọñ enyuñ ekara ye Christ. “Ndien utin edinen ido asiaha ọno mmọ: se inamde itọñ uwem ọsọñọ onyuñ odu enye ke mba; ndien mbufo eyewọñọ ekefrọ nte nditọ-enañ ñkuhọ. Ndien mbufo eyedighi mme idiọk owo; koro mmọ eyebiet ntọñ ke idak ikpat ukot mbufo” (Malachi 4:2, 3).

Nte akanam afo omotim ese mme okop-odudu abak-enañ, emi enyenede nsọñ-idem enyuñ eyakde mmọ esaña eduk ebiet mmọ emade emi enọde udia ọyuhọ mmọ ke ufọk-ufene? Ekem mmọ efeñe, ekanare, efrọ ke eyo ke awawa mbiet ndien mkpọkọbi mme uruk ndiduri mmọ mfiak edem iduhe mmọ ke ukot. Ọbọñ ọdọhọ

ete ke mmọ oro eteñede enyiñ Imọ “eyewoñọ ekefrọ nte nditọ-enañ ñkuhọ.” Oro edi kiet ke otu mme eñwoñọ emi enọde mmọ emi edinyenede udeme ke Tọsin Isua Ukara ye Christ.

Odudu Elijah

Ke Ñwed Malachi 4:5, nnyin imokot ite ke Elijah, anditiñ ntiñ nnim ikọ eyedi mbemiso akwa ye enyene-ndik Qboñ edisim. Jesus ama etiñ abaña John oduok owo mmọn ete, “Emi edi Elijah emi enyenede ndidi” (Matthew 11:14). Ndusuk emi edi ntiñ-nnim ikọ emi etiñde ikaba, koro ke ini Akwa-ukut, Elijah, anditiñ ntiñ-nnim ikọ ndusuk ini, eyedi kiet ke otu ntiense iba emi editiñde ntiñ-nnim ikọ (Eriyarare 11:3). Nte ededi, nnyin ikpenyene ndisuk ibuot mfin nnọ mme ọkwọrọ Eti-mbuk emi ekwọrọde (me etiñde ntiñ-nnim ikọ) ke idak nda-usuñ, odudu ye uyere aran Edisana Spirit.

Qfọn enyọñ idem emi Elijah, anditiñ ntiñ-nnim ikọ Elijah ọkọbọbọde akada ọnọ Spirit Abasi. Edi enye ke Elijah akada oyibi inyañ Jordan ndien inyañ abahare, enye asaña ke nsat isoñ ebe. Ke ini ekemende Elijah ke ukpat-ñkpọ ikañ ye mme enañ-mbakara ikañ ke idio eka ke Heaven, ọfọn enyọñ idem esie ama oto enye ke idem ọduọ. Elisha ama odudu do ke ekpeme onyuñ emen ọfọn enyọñ idem oro afiak akada ke mben Inyañ Jordan. Ukem-ukem nte ete-ufok esie akanamde, enye ñko ama oyibi mmọn; ndien inyañ abahare, ndien enye asaña ebe.

Ke eyo emi, okposuk edi nte mme ọkwọrọ Eti-mbuk emi ema ekebọ uduok-mmọn Edisana Spirit mibọbọke ọfọn enyọñ idem minyuñ isineke oruk uduot ọfọn ekededi nte okpodotde, edi mmọ enyene odudu Edisana Spirit ke uwem mmọ emi mmọ edade enam utom eke ọnọde Abasi ukpono ye ubọñ. Kpukpru nnyin inyene ndisuk ibuot nnọ edikwọrọ Ikọ Abasi.

Anana-ufon Okuk

“Ndien silver mmọ ye gold mmọ idikemeke ndinyaña mmọ baba ke usen ifuresit Jehovah” (Zephaniah 1:18). Okposuk edi nte mbon inyene, edibonde inyene mmọ ke million ke million, kpa ye oro, ididoroke mmọ udori ke mme usen oro. James ọdọhọ ete ke eme (gold) ye sidibe (silver) mmọ eyeta ñkarafañ ebiara. “Mbufo ekọkọ inyene enim enọ idem ke ukperedem usen” (James 5:3), enye ọdọhọ ke mmọ ekedu uwem ke ufot inemesit; edi ke usen iyaresit Qboñ, mbon inyene eyetuaña enyuñ esio mkpo ebaña ukut mmọ.

Okuk ikemeke ndidep ekpri ini nte ntọi nnim ke ini Abasi ọdọhọde ete ke ini oro ama ebe. Edi Jesus ikpọñ ekeme ndifak me ndinyaña ukpọñ mme owo. Oro ekedi ntak eridi Esie ke ererimbot emi. Nnyin imokot ke Matthew 20:28, “Eyen Owo mikedighe. . . onyuñ ọnọ uwem Esie ndifak ediwak owo.” O! nte owo kiet-kiet ekpenyimedede ndida ifet emi nnam ñkpọ ndiñwam idem esie! “Ufak ibuot mmọ ọsọñ” (Psalm 49:8).

Ndiyom Qboñ

“Ukpohore” ke abaña ukpep-ñkpọ emi odu ke akpa ikpehe Zephaniah 2. Anditiñ ntiñ-nnim ikọ emi ọdọhọ ete ke mme owo ekpenyene ndisobo idem ọtọ kiet nyom Qboñ mbemiso usen ikañ iyaresit Esie edi. “Mbufo eyom edinen ido, eyom suñsuñ ido: mme mbufo eyedibe ke usen iyaresit Jehovah.” Oro edi idorenyin nnyin, ebiet-ubọhọ nnyin ye usuñ-uwem nnyin.

Nnyin imọdiọñọ ite ke Qboñ ama afak edinen Noah osio ke mmọn Ukwọ; Enye ama afak Rahab ke ini ekesobode Jericho; Enye ama ekpeme Isoñ Goshen osio ke ubok angel mkpa; ntre nnyin imonim ke akpanikọ ke Enye, ini kiet efen, eyekpeme ikot Esie osio ke akpatre nsobo ke akpatre ererimbot. Qboñ ọdọhọ ete, “Mmọ eyedi ata inyene mi. . . nyetua mmọ mbom” (Malachi 3:17). Ke usen oro, eyemen nnyin edok ye mmọ “ke ikpa-enyọñ, man isobo ye Qboñ ke enyọñ: ntem ke nnyin ididu ye Qboñ ke nsinsi-nsinsi” (1 Ñwed Thessalonica 4:17).

Edi ti ete ke idahemi, mbemiso akwa usen Qboñ edi, “ini mfon-ido mi; sese, usen erinyaña mi” (2 Ñwed Corinth 6:2).

MME MBUME

- 1 “Usen Ọbọ̀n” ọwọ̀rọ̀ nso?
- 2 Nso ikọ̀ efen ke eda etiñ ebaña ini oro?
- 3 Tiñ esisit baña se ikotibede inọ̀ mme Jew oto ke ntak nsọ̀n-ibuot.
- 4 Nso uwut-ńkpọ̀ ke nnyin ikut ke Ẹ̀wed Abasi nte Abasi afakde nti owo osio ke nsobo?
- 5 Tiñ esisit baña nte ńkpọ̀ editiede ke ererimbot ke ini Tọ̀sin-Isua-ukara.
- 6 Nso idida itie ke ererimbot ke ema eketañ ikọ̀t Abasi edọ̀k ke enyọ̀n?
- 7 Ini ewe edi “usen erinyaña”?
- 8 Ini ewe ke enye edibe efep?
- 9 Kpẹ̀p Zephaniah 2:3 sin ke ibuot.